



AKADEMIK

U N I V E R S I T I T E K N O L O G I M A R A

Bilangan 07 Tahun 2022

PELAKSANAAN SIJIL DIGITAL ANUGERAH DEKAN UNIVERSITI TEKNOLOGI MARA

TUJUAN

1. Pekeliling ini bertujuan memaklumkan kepada semua warga Universiti Teknologi MARA (UiTM) dan pihak yang berkepentingan mengenai pelaksanaan sijil digital Anugerah Dekan pelajar.

LATAR BELAKANG

2. Anugerah Dekan ialah anugerah kepujian kepada pelajar yang memperolehi Purata Nilai Gred (PNG) minimum 3.50 bagi sekurang-kurangnya 12 unit kredit atau mengikut jumlah unit kredit sebenar dalam pelan pengajian semasa, yang mana lebih rendah tidak termasuk kursus berbentuk Lulus / Gagal pada sesuatu semester. Calon mesti tidak pernah disabitkan tindakan tatatertib berdasarkan Peraturan Akademik UiTM.

3. Pelajar yang layak menerima Anugerah Dekan akan menerima Sijil Anugerah Dekan pada semester tersebut. Sijil dikeluarkan dan ditandatangani oleh Ketua Pusat Tanggungjawab (PTJ) masing-masing.

PELAKSANAAN

4. Mesyuarat Senat ke-282 bertarikh 10 Mei 2022 telah meluluskan pindaan kepada Sijil Anugerah Dekan pelajar di kolej pengajian, fakulti, pusat akademik, dan UiTM cawangan iaitu:

- Penggunaan nama Sijil Anugerah Dekan bagi penganugerahan pelajar program Diploma dan Sarjana Muda yang layak di kolej pengajian, fakulti, pusat akademik, dan UiTM cawangan yang menjalankan program akademik kolej pengajian, fakulti, dan pusat akademik selaras dengan Universiti Awam (UA) lain di Malaysia; dan
- Ketua PTJ akan menandatangani Sijil Anugerah Dekan pelajar bagi PTJ masing-masing. (Contoh: [1] Penolong Naib Canselor akan menandatangani Sijil Anugerah Dekan pelajar di kolej pengajian; [2] Dekan / Pengarah akan menandatangani Sijil Anugerah Dekan pelajar di fakulti / pusat akademik; dan [3] Rektor akan menandatangani Sijil Anugerah Dekan pelajar di UiTM cawangan.

5. Sijil Anugerah Dekan pelajar boleh dikeluarkan secara salinan digital melalui *Student Information Management System (SIMS)* yang diuruskan oleh Pejabat Hal Ehwal Akademik di PTJ masing-masing.

6. Sila panjangkan maklumat ini kepada semua pihak berkepentingan di kolej pengajian / fakulti / pusat akademik / UiTM cawangan / PTJ masing-masing.

TARIKH DIKELUARKAN

7. Pekeliling dikeluarkan pada 01 Jun 2022.

TARIKH KUAT KUASA

8. Pekeliling ini berkuat kuasa mulai sesi I 2021 / 2022 semester Oktober 2021- Februari 2022.



PROF. DATIN DR. SUZANA SULAIMAN

Timbalan Naib Canselor (Akademik dan Antarabangsa)

Dikelilingkan Kepada:

- Majlis Eksekutif Universiti
- Semua Penolong Naib Canselor Kolej Pengajian
- Semua Dekan Kolej Pengajian / Fakulti / Akademi / Institut
- Semua Rektor UiTM Cawangan
- Semua Pengarah Pusat
- Semua Ketua Bahagian / Jabatan / Pusat / Unit

Bil. Fail : 100-HEA (6/4)
Tarikh : 01 Jun 2022
Kategori Pekeliling : Prosedur